

Jekkabaatra

Jamana



World Vision

Cikela osman n'a musoman k. imuaroniseben
abso kalo o kalo
Jamana batacada la BP. 2043 Battako (Mali)

Enterineti nafaw ani a labaaraminenw

pe 6nan

Dantigelikan


Zuwenkalo tile 8 n'a korow

Ka bi peresidan Alfa Umar Konaré sigidion fola fanga la, san 1992 zuwenkalo tile 8, koroba dira zuwenkalo ma Mali kēn yan, kerankerenneña la, a tile 8. San duutu o san duuru jamankuntigi sugandilen kofe, Malidenw ka jamanakuntigi sugandilen ba sigi a ka musoya wolo kan zuwenkalo tile 8 de. Nka minisiriw ka ladapogonye min kera san 2005 zuwenkalo tile 10, o ye də fara donba in dawula kan ni kunba were dili ye a ma. San o san zuwenkalo tile 8 don bend ke taasidon ye ka nesin musow ka bange senfa kosaara sorotaw ma. Kasaara jumen don ? U be soro yrsatanga walebalya jumen koson bange senfa ?

Makaranni jumen ka kan ka ke walasa k u bali ?

San o san zuwenkalo tile 8 don, Malidenw ba haklijagabo ke ka nesin musow ku jiginni senfa kasara sorotaw ma. O ye wale jumanba ye, barisa dije ko dumani baa sindi be muso de la : ale min ye furumuso ye, ale min ye denw ba ye oni denw fo jigilamac, ani sigida daamuko baa sinsinbau n'a ka musoya walew kecogo juman ye ka to musoya kadaara kono.

Tumani Yalam Sidibe



Batakiw ka bə ofisi-iri la Segu

pe 8nan

Jamabugu dugu lahala

pe 4-5nan

Dije setigi jamanaw yafara u ka juruw kɔ

pe 9-11nan

"Kalan be məgə sən hakili la, nka kunnafoni be məgə bə kunpan na" Yərə Ulen Sidibe

An ka denw ladon



Hamidu Konate

An be samijé de waati la sisani. O ye waatiba ye an ka dijenatige taabolo bëe kan. Nka, a be fô fana ko samijé de be ñanake ka ñanaya barika, ani ka nantanke hakilitigi ke ñana ye. O bee be latige samijé ladoncogo fe cikela bolo. Nka, samijé sanji bena ni fen wëre ye dëre. O ye denmisénw kunkanko ye. N'an hakili tora denmisén na, k'a këlosi, k'a tanga, a be kisi samijé sanjik-òrø sumaya; kònoboli ani lafulenyaw ma, minnu be lasorø ji nögø ni sosow ani cinnifen misén wërew ka bolo fe. O temenen, k'o, an b'a dën ka ban ko den ye bogokene de ye. A be ja ni sawura min ye, a be mo nò de ye.

An ka denmisénw sen don an ka forokònøtaaw n'a baaraw la. Hali ni baara gelenw

këbagaw ma ke u ye, u koni be u ka forokònøtaaw nafa sørø, nò ye baara kecogow n'a këbagaw yeli ye, k'u ka baara kecogow faamuya sanni u yere ka waati ce, n'o y'u ka balikuya waati ye. Djiné kònø, fën bëe ye kalanfen ye ani kalanko. O kanma, lakølisow ni kalanso werew kalan waati kuncelen k'o, denmisénw fe, a kafisa an k'u bolodonyorø jini sigida jñetaabaaraw la, ka ben u seko ma. Maa te sini dën cogo o cogo, an k'a dën ko sini jñesigibaga de te ke maafemaa ye dë.

Ala ka samijé diya an na, ka sanji caya awa k'a ke nafama ye. An k'a dën ko samijé diya n'a goya be tali ke sanji nacogo la, nka a diyaboli te taa an yerew ka labenbaaraw k'o a latigeko numan kanma dë.


Ala k'an sòn hakili numan na. Ala ka san diya. Ala k'an dëmë denmisénw fana ladonko numan na. K'an ben.

**Hamidu Konate
Jamana baarada jñemaa**

Hakilisènekene

Nteri, maaw ma ben fen kelen kan. Awa maaw bëe dun be balo o de kadara kònø. "Saya te balo sa, nka balo kecogo numan de be saya don ngalama na, ka jñe kura di dijenatige ma, n'o ye "tögø jan kuncëbali" ye. O kanma, an ka togø jini, togø numan, ale de be balo sinsin saya k'o fe.

Tumani Yalam Sidibe




zuluyekalo san 2005

Tumani Yalam Sidibe

Namabugu dugu

Namabugu ye duguba ye min sigilen be Kolokani kejeka fe. A ni Kolokani ce ye kilometere 12 nejen ye. N'i be taa Namabugu, i be Jijeni-

Yarangabugu balikukalankuntigi Tumani Yalam Sidibe ye a ka Zafu (balikukan mara) karamogé köröw ni kuraw bee lajere Namabugu u ka



Dugu kelen kənəmaaw ka benkola de be a to u be sigi diyabo

sira mine. I be kilometere tan nejen boli ka se Nzirabilenkoré sirafara ma i nunman fe. N'i farala yen, i be i kinifesira mine, ka furance boli. i be se Njalafuga. N'i temena Njalafuga dugu donda la, i be se Namabugu. Namabugu sigibagaw ye bamananw ni numuw ye.

Kulubaliw ni Trawelew ani Jaraw ni dowerew. Namabugu ye duguba ye min lakodonna sebe sira kan kabi lawale la. O yere de kanma a ye jeda soro Mali jamana farafinfura donniko la barika la ka bi dugutigi Banafile Kulibali tile. O dugutigi kelen de ka waati la fana, Namabugukaw ye balikukalanso soro san 1978 la. U y'o ko ke a nema n'a sankorotafenw bee waleyali ye : balikukalanso ; baliku-kalanforo ; ... O waati la karamogéw fana tun be yen cew ka bolo-kan, Sunkalo Trawele ; ani musow ka bolo kan, Fatumata Kulibali, minnu y'u cesiri walasa ka Namabugu sendon Kolokani ni Operasön Arasidi (OACV) ka balikukalandugubaw sere la. O yere de kanma, 1978 san na,

tiletankalan kanma. O kera ko bennen ye haali, barisa o kofe, an ka dugu lamini duguw balikukalankaramogéw bee ye Namabuguko ke u kunko ye : Kulukorénin ; Maabugu ; Cafina ; Seriwala ; Koroka ; Yarangabugu ; Wani ; Tumanibugu ; Neogénbugu ; Sebekor... Balikukalankuntigiw fofora nejen kə Yarangabugu, nka si ma Namabuguko ke bolokofeko ye. Awa, an ka dugutigi, n'o ye Banafile Kulibali ye, fo ka taa se a ka saya ma san 1980 waatiw la, a ka siro-korobaya m'a bali ka wulikajé bee ke walasa kalanko be taa ne an bara yan.

Namabugu kənə neetaa sinsindaw
I n'a fo Kolokani dugu fanba bee, Namabugukaw sinsinnen don sene de kan. Nə ni kaba ; tiga ni nakofenw, fo ka taa se kungo jiriw tənəbəbaara ma, Namabugukaw be nin bee ke ra nema. Fen min ye numuya baaraw ye, an ka numuw be kurunw ; dafenw dabakisew ni dabakalaw ; tabaliw ni so kumbilijiriw bo ka caya. A dəw be to an ka dugu kənə an'a dafeduguw ; a

caman fana be taa feere dəgəw la (Kolokani araba ; Yarangabugu ; Tumanibugu). Fen min ye dije faamukalanw nejeniye, ar. kə denmisem caman be taa lako'i la Npela ni Njalafuga ; Metewc fana ka sanjiko jatebəda da sinsinntə dən Namabugu.

Silamew be Namabugu, nka ladasira fana ma bila (bolikc ; komoko ; furaci ; negekörəsige).

Namabugu təgə sərəcogo

Maaköröw ka fo la, Namabugu ye a sigikene de təgə ta. Namasun de tun ka ca yan haali.

Welekan

Ne Sunkalo Trawele, ka bo Namabugu, n be wele bila Mali jamana nemaaw ma u kə dən ko fen min ye balikukan ye, ko nənəbilabali don. Ni dugu min ye a soro a nema, siga hali kelen t'a la, o be taa ne barisa a be minecogo soro kow bee la desantralizasənko in tile in na. Kalan kelen-pe ye kojəsoro bee sindi ye bi. N'i dun ye jatamine ke, i be a ye ko barika bora balikukanlano la an ka jamana dugu caman kənə.

Fələ, balikukan baaradaw yere de tun be jə ni kalansow kalanden hake gafew n'a kayew ye, ka fara cilan ni walamba ni farasu, ani lapanw ni fen werew kan. Bi, o bee ye müsakaw ye minnu be da duguw kun. Ne be a jini an ka nemaaw fe u ka bari-ka kura don balikukanlano la.

Ne ka foli be Yarangabugu Zafu balikukanlaramogéw bee ye, a fen o fen ye Namabugu lajeba ke san 1978 la. Ni kalan te don kelen fen ye, kalan si diilidonbali fana te maa nafa. Kalan sərəli ye watininko ye kalan kənə, nka kalanden yere ka hakili dayəlenni be soro a ka don o don kojənini fe. O de kanma a be fo ko bee ye i yere kamarogə ye.


Fen min ye Jekabaara taasen kura ye, n'o ye Enterineti ye, nə be a jini karamogé Tumani Yalam Sidibe fe a ka də fo n ye tigasene kan. Fo ka se

A to be ne 4 nan kan

je 3 nan to

san 1979 ma, tigasene nəgən sene na-famatun te anw bara yan. K'a ta Kolokani ka se Kulikoro ; ka bə Kita ka se Mahina fo Kayi, tigasene baarada, ko OACV, tun yangalen be o kene bee kan, awa a tun be cikelaw ka maaya-ko makow bee je. Nka yərənin kelen, ko tiga te da la belen, mun de kanma.

**Sunkalo Trawele Jamabugu
balikukalan karaməgə fələ**

**Senefen bee keko juman be cikela
nafa**

latemə. I k'a dən, Sunkalo, jədaba be tiga la an bara yan.

Tiga bəyərə

Tiga ye senefen ye min lasera an ka jamana kənə, kabi lawale la, an Marabagaw fe, ka bə Ameriki gun kan.

Ka d'a nafa caya kan, an ka maakərəw bee kera tigasenenaw ye suman ni senefen təw senkərə. O yere de nana ni "soforoko" ye, n'o ye soda-laforo ye. Sumanw ni senefen təw tun be taa sene wula kənə (foro jan), ka tiga ni makonfən telin təw cike so da fe.

N'an ye tariku laje, an b'a ye k'a n ka jamana kənə kamalen barikama

bee kundayərə tun ye Senegali jama-na de ye. U tun be taa surukaya ke yen tigasenedagaw kənə. O b'a jira ko tiga ladonna an bara jamanaw kənə jikankurunw de ka sira ka sərə ka don an ka jamana kənə, Kita fe. A ye i daga yen fo ka se an ka yəremahor-onya tali waati ma. Nka, bi, tiga te mara kelen kənofen ye Mali kənə. A be cike yərə bee. O b'a nafa jira.

Tigasene baaradaw

OACV kera tigasene layiriwa baarada ye an bara yan min ye maa caman bə nəgə la an ka duguw kənə. San o san, cikela fara buru təgəla baarakelaw kan, kase lakəlidən körəw ni maa werew ma, bee tun be bə tiga ka nafa nunma. Nka, bandon be dijə fen bee la.

San 1982 waatiw la, an y'a ye ko feərə bee be ka tige walasa ka benesene sankərətə tiga sanfe. O waati kelen na, tigasene baarada min tun be yen ko "ODIMO", ale ye kənebila damine.

A yəmaayaso yere ye a jini o wwati la ka tə sun sigi Kita. Nka, n'a manə ko ji bənna duguma, cəcogo te o la belen dere.

**Tumani Yalam Sidibe
(A ye OACV lahala taabolo kalan
Mahamani ka lase kənə,
ka tugu nin na.)**

Kərəlenfə te kurantanya ye

OACV tile ye cikela caman ke fen ye

Tuma dəw la, a ka kan, an k'an kəfile wale dəw la. Bawo, bi adamadenw hakili be jine joona ko keta dəw kə. Baliikukan y'a dəye, bawo balikukalan sinsinnen don ko caman na an ka jamana kənə. Goferenama ye balikukalan sigi sen kan walasa k'a n ka cikelaw bə kalanbaliya dibi la. O be ke sababu ye, u k'u yere yiriwa an ka kanw kallani na. Nka bi, a be i n'a fə balikukalan seginna walima a b'a fe ka segin a kə.

O la, n balima balikukalandenw ni balikukalankaraməgəw, ne bəna min fə aw ye nin kunnafoniseben in

A tə be je 5 nan kan

je 4nan tɔ

kənə, o de ye fən ye, min temena a be waati jan bə.

Hakilijigin nafama balikukalan tariku kan

N balima balikukalan kanubagaw ani kalanden jolenw ni karaməgə ŋanaw, ne be na min faw ye nin kunnafoniseben in kənə, o ye fen ye, min temena a be waati jan bə.

Bi, ni aw juinkara ko an ka kanw kalanni daminena jmama kənə san jumen ani wale minnu kera a kənə, yali o be aw kənə wa ?

Tiŋe-tiŋe na, a dənbaga man ca de ! O la, n be na hakilijigin ke o siratege la.

Hakilijigin in be tila tilayərə saba ye :

- Fələ : kalan nacogo Mali kənə,

- Filanan : Ka dənni di cikelaw ma, walasa u na se k' u yere bə nəgo la (kunfinya la), ni kalanje ni sebenni ani jatebə ye,

- Sabanan : baarakalan.

Tigeda fələ : Kalan nacogo Mali kənə

Cikelaw ka kalan daminena ni nansaarkan ye, fələ.

O waati, dugu damadəw sugandira, ni kalan be d'u ma lakəlikaraməgə sugandilenw fe, su damadə dəgəkun kənə.

Minnu tun be taa kalansow kənə, olu tun be ladiya ni tulu, farinimugu, sukaro ani fen werew ye. Lanpa tun be di kalanso kelen-kelenna bəs ma, ka fara taji kan.

San damadə kera o la. O waati, jamanakuntigi tun ye.

(Ala ka kine a la, Modibo Keyita) ye. (San 1964 ka taa se san 1967) ma. O kofə, Kala n taabolo yelemana, karaməgə ni kalanden, tun be kuma Arajo la, kalanbaluw tun be segin u ka kalantaw kan. (San 1968 ani 1971) kera o la.

Jamana ŋemaaw nana jatamine ke, k'a ye k'a fo, ko nansaarkan faamuyali ka gelen cikelaw bolo la, o la, jetaa sərəli ka gelen kosebe.



Mahamani Mayiga

Baarada min tun be nin wale ŋenamaya, o təgə tun ye ko : BDPA (Senefenw cike yiriwali baarada).

O jetaa sərəli geleya kanma, hakilijagabə kera ko kalan ka laje an ka kanw la. O hukumu kənə, jama-na damadə farala ŋəgən kan, ka lajeba də ke Teheran (Iran jamana) kənə, san 1965, ka baara kəcogo fesefese.

Nka, aw k'a dən ko : kanw kalanni ani u siginindenw labenni ye waati jan ta, bawo, kanw yere kalanni kalansow kənə, o daminena san 1972. O kene kan, an ka jamana y'a jəyərə fa kosebe.

ŋemaaw sigira, ka ŋəgən faamu, ka kan naani (4) sugandi, ka baara damine n'olu ye, I n'a fo : Bamanankan, fulakan, kərəbərəkan ani burudamekan.

Baarada min tun be kalan in jensən k'a sinsin ani k'a kəlesi, o ye: Fələ : OA ye (n'a tun be wele ti-gasenebaarada).

O kofə, OACV min ye OA nənabi-la, o tun be wele ko (tiga ni sumansene baarada).

Baarada in ye bolofara sigi ku-beda duuru (5) kənə, n'olu tun be

wélé ko zoni : Kayi, Kita, Kolokani, Kulukərə ani Segu. Zoni kelen o kelen kərə, bolofara dəw sigira, n'olu tun be wele ko sekiteri, suskiteri ani sekiteri de bazi.

Kalan in nafo o bəbagaw y'a jini tiga ni sumə 15enəbaarada ŋemaaw fe, u ka kac iden mugan ni duuru 25) ta kalanso kelen-ke-lenna bəs kənə, k'u kalan

Jatamine nana ke. A yera ko lajiniw sabatira. O la, ko də ka fara kalansow kan, ka də fara karaməgəw fana kan. O waati la, karaməgə ninnu tun be wele ko zafukuntigiw. Olu tun ye maa bi wəərə (60) ye zoni duuru (5) in kənə. Sanji bi saba (30) de kera kalan in na, k'a jini ka cikelaw kalan, k'u lafaamuya yiri-walisira caman kan, i n'a fo : seneko, baganmara, kəneyako (adamadenw ni baganw), sigida n'a lamini senuyali ani sannifeere n'a ŋəgənna caman werew.

Bəko nataw kənə, an be na kuma-nin kelen o kelen kan aw ye.

Kələsili : An k'a dən k'a fo, ko, tiga ni sumansenebaarada ye təgə naani (4) ta :

- OA : k'a ta san 1972 la, ka taa a bila 1973 la.

- OACV : ka taa san 1974 la, ka taa a bila san 1981 la.

- ODIPAC : k'a ta san 1981 la, ka taa bila san 1988 la

- ODIMO : k'a ta san 1988 la, ka taa a bila san 1992 la.

Tiga ni sumansenebaara binna san 1992 desanburukalo la.

Tigeda filan be sərə bəko nataw la.

Mahamani Mayiga, zafukuntigi Badenkə (Kita mara la)

Siti-Webu nimɔrɔ

www.afribone.net.ml/jekabaara/

Enterineti ye mun fen ye

Enterneti ye mun ye ? Kunnafo-ni lasecogo kura don, min be la-waleya dijé bëe kònò bi.

I – Jlefoli :

Enterineti ye kunnafo-ni laseli ye telefônisira fë, min be kumakan ; sebenni ani ja kan. Ale be ke ni ɔridinateri, qni telefoni, ani sanfekun-nafo-ni lasebolow (satelitiw) dörön de ye.

Taamasen min be labara Enterinetiko la, o ye W saba ye : "world ; wide web". O kòro ye ko : "dijé nalonba ka mörömörö".

II – Enterineti tariku :

Ameriki (Etazini) sörôdasikulu de fôlora ka Enterinetiko waleya, walasa kà ka kunnafo-ni lase u seyoro la, ka sòrò yorò were koñejinina (Esipyón) m'a lasoro. Nka, waatiw fë, Enterinetiko jensenna yorò bëe.

III – Enterineti labaaracogo :

Enterineti be dijé ɔridinateriw bëe don nögønna, kunnafo-ni

siratègë la, kunnafo-ni suguya bëe, ani koñejiniseben suguya bëe fana be sòrò Enterineti ka sirafe an mako be minnu na. Bi bi in na kunnafonilase qni sòròda miliyariw hake de be yen, minnu be kuma fen bëe kan. Maq o maa ka lajini don, o bë a nafa-kunnafo-ni sòrò Enterineti kan.

V – A ko te taa minen minnu kò :

Walasa ka sigi Enterineti kan, a wajibiyalen don minen ninnu ka sòrò i bolo :

- telifônisira (nimòrò) kelen
- ɔridinateri kelen

Bi, sigida bëe bë se ka ɔridinateri kelen sòrò, ani ka sigi Enterineti kan. Barisa hali ni Sotelma te aw ka



yorò la, ni "Ikatel" be yen, o b'a ne. An kònì kà don ko Enterinetiko te taa ɔridinateri ni telefoni kò.

VI – Enterineti nafa cikela kan :

Cikelaw kun kan kunnafo-ni bë Enterineti kan, senekecogow ; ani dijé jamana werew kònò sene kecogo ; baganmara cogo ; mònni. Awa, o kunnafo-ni dilen don dijé kan fòtaw hake fanba la. Sitiw fana be yen, minnu b'a to an be jinini ke an ka lajinifen bëe kan.

Sigida min b'a fe ka sigi Enterineti kan, o ka kan ka telefoni ani ɔridinateri sòrò fèlo.

Jamana baarada fana be ka kunnafo-ni laseyòròw sigi sen kan sigidaw kan ma (GMC). Olu latemesira b'a to cikelaw ka sigi Enterineti kan.

Alekisi Kalanbiri

Enterineti baarabolo ne'maa
jamana baarada - Bamako

U ko...

Nanfigi ka fisso baroden ye. Baroden de ba mac caman bila fili la. Ce nanc b'a kòro nanfigi dòn, nka tâ ka beroden dòn mögô were ye a jendjebagu kò.

Alimami Ba
Tarikubôla ka bô Segu

Mali lokôli tâ danma dijé ye dijé yere kònò. A taabolo bëe ba tali ka dijé yere kònò taabolo la. O kan ma dijé kalanko geleya n'a n'go yoyò bëe be boli an ka kalanko kan.

Karamagôba
Mamadu Lamine Trawele
Mali kalanko netaa jinimisiri

Tine don, qaleyà be Mali farikolo-nenajeko la, kerenkerenneny la, ntolatan. Nk'a barika be ka nagaşı Min be yen bi, o ye geleya de ye min be an ka misiriso ani Mali ntolatan federasenba ca.

Musa Bala Jakite
Mali farikolo-nenajeko minisiri

Tuu mooro ! Tuu mooro ! ko jakumawara. Ka ceyà ke dukonomusow ni du den tòw danma kansirifén ye ka sòrò kumada t'i da cebankane kan. O te so canin ye wa ?

Menpaworo Kulibali
Ka bô Jijeni Kolokani

Dijé ka di dere. Nka maafemaa t'o don tijekò ye dare !

Musa Toroba Kone
Ka bô Maabugu
(Yarangabugu)

N'i m'a k'i fa ye, n'i m'a ke i ba ye, i b'a ke walimogô ye gansan. Nafa dun te gansanbaara la !

Bobani Kone
Donklidala ka bô Segu

Maakorëba kelen ladonko, o be noloma de kamanagan !


Modibo Sanogo
Arajo Benkan, Bamako

Kasaaraw taabolo

An be waati min na i ko sisan, si-Arabakankasaaraw ani kasaara siya caman werew cayalen be. Bolimafenw (motow ni negesow) be ka ke sababu ye ka mogow nangatan kosebe sigidaw kono. An b'a men cogo min ka caya geregere ka nangatan lasetaw yere fana hake be ka caya. Nka, kasaara soro sira o sira fe, a be maasiba, lase adama-

ye kasaaraw kofe, o ka kan an ka don an be kow mine bolo min kan sanni an ka se keneya tigilamaa lakikaw yere ma. An ka don ko joda folo ye anw de ta ye. A be fo min ma ko : "ladonsira folo", anw de bo waleya. O folo ye kasaara bagato yere minecogo ye.

Kasaaraw n'u cogoya :
1. Jolisira perenni (hemorazi).



Jantonyerela koroko ka pi

den farikolo yoro do ma, fo ni Ala yere ka latige ya ko ke maasibantan ye, ka ko jore bonya na maasiba ye. Ni maasiba dun kera soroften

O be se ka na sira fila do la kelen fe. A kenekanta ana kono nata. Kenekan ta te dogonfen ye, barisa an be joli woyoto ye ka bo farikolo

perenda do, fe. Nka, kono nata, o min ye joli keli ye ka jolisira bila farikolo kono, ka jigin yen, o de ye kow lagelenmanba ye.

2. Kolokari :

O be se ka farikolo kolosigida bee lasoro, ka ta kunkolo ; senw ni bolow, koko ni disikolo, fo ka se kunkalo kolow ma.

3. Jolida dayelenko juguw

N'an ye nin kasaara fen o fen ye maa la, a ka kan an ka wele lase joona keneya tigilamaaw ma. Nolu dun yoro ka jan an na, a be wajibiya an ma an ka kasaarat o ladon ladon ko juman na. Tacogo bo la ; joliw sutaracogo bo la ; farikolo yoro

karilenw mine cogo bo la. Ninnu n'u negeonna maasiba werew baara folow donbaga yanaw ka soro an ka duguw kono kalanden jolenw la. Munna an ta jini an ka sigidaw kono ke neya tigilamaaw fe u ka kalanew di an ka kalanden jolenw na kasaarat o ladonbaaraw kan sigida' maaw fe sanni keneya tigilam a ka ye. Bana sidomni na baasicogo ve bana donbaga kelenpe ka ko ye, nka banabaat o ladonni sanni furakshila ka na, o ye dugumaa bee kunko ye. Ala ka deme ke.

Tumani Yulam Sidibe

World Vision ka lajiniw

Elize Kone ye maa ye min be baa- Era ke Bila World Vision na. A ka baara jesinnen be "World Vision Mali" ADP ka baaraw kolesili ma. O temenen ko, Jaramana ADP jemaa fana don. O siratige la, an wulila ka s'a ma k'a pininka, a ye jaabi minnu dan ma olu file :

Elize Kone ka fo la, olu ye bilasirlibaga ye. Bi, an ni kominiw ni dugumaaw be baara ke negeonfe walasa sigida be taa ne. Nka, an k'a to an hakila ko "World Vision" be yan, bi, nk'a meen o meen, a be taa dondo. O siratige la, kabini an nadon, an y'a f'u ye ko nin ye poroze de ye, anw nana k'u soro yan, wan-

be taa k'u to yan fana. O la, sanni o don ce, an ka kan ka baara ke negeonfe, walasa anw taalen ko, u ka fen ne u yere ye, an ka baarakcogo n'an ka miiriyaw waleyali la walasa ka here ni lafiya, ani jetaa sabati duguw kono, ka masoro jetaabaa-ra te ban abada.

O hukumu kono, kabini sisan, an ye o baaraw waleyali damine. Kad'a kan, kabini ADP daminena, an tun be baara ke ni dugumaaw ye.

Sabu, n'an tun taara dugu min na, ka baara damine, an tun be jekuluw lasigi o baaraw waleyali kanma ani ka ke o baaraw jemaa ye, an ye kalan minnu k'u kun, wa-

lasa u k'o waleya duju kono.

Kominiko daminen, ye ema donna baaraw taabolo la. Sabu, an be baara fen o fen ke, o bee be ke olu ka yamaruyi de kono, an ni olu de bolo be negeon bolo, nanw taara tuma min, walasa olu ka se ka baaraw to laban. O hukumu kono, anw taalen ko, walasa baara kana jo, an ye feere do sigi sen kan, no ye ADP jekuluw sigili ye sen kan. O ye World Vision Mali ADP 16 kelen-kelenna bee ka maa sugandilenw faralen ye negeon kan ka ke kuluwa

kelen ye. Dogotero Elize Kone da sera World Vision ka yelemaliba kunna kumbabaw ma ka fan ye jinkaliw senfe. A ka fo la, san 2004

A to be ne 8nan kan

je 7nan to

laban na, yelemali in kuma fôra, n k'a waleyara 2005 damine na. "Yelema in, kun tun te dôwera ye, a kôlôsira ko nafolo min be ke ka yiriwalibaara ke deme sira fe, o fanba tun be se an balimaw ma an ka togodaw la k'a sabu ke World Vision yere baarakelaw cayali ye. Misali la : World Vision ka demenafolo keme o keme, biwolonwula (70) ka kan ka jesin sentanw ma, a tâ bi saba (30) be ke ka minenw san ani ka baarakelaw sara. Dögötôrô ka fo la, baarakela caya koson, deme sôrøbagaw ninyôrø tun dögøyara kosebe. O hukumu kôno, san 2005 damine na, World Vision baarakelaw caman bolo bora baara la k'a sabu ke nin ye. Nôntë, a ma ke i n'a fo u t'u ka baara dôñ walima ko jugu were. A kera walasa ka dô bô donni girinya la, n'o ye nafoloko ye.

Jigiya were be World Vision ye poroze kurako la.

Elize Kone ka fo la, poroze kurako hukumu kôno, World Vision be poroze kurako laben na, a ma se Mali yôrø minnu na, walasa u na se ka baara ke yen yôrøw la. "Danaya min be "World Vision Mali" kan bi, baarakenafolo bøbagaw yôrø, poroze kura minnu sèbenw be ka laben demenafolo jinini kanma, ni Ala sonna, o te ke gansan ye.

Kunceli : Dögötôrô Elize Kone y'a ka kuma kunce ni foli ni dugawu ani walejumandôñ ye ka jesin "World Vision Mali" ka ADP 16 baarakela ce ni müsow bëe ma. O temenen kô, a ye foli ni dugawudon ke ka jesin jekabaara kunnafoni sèben jemayaaso baarakela bëe ma, k'a jini u fe, u k'u cèsiri kosebe ka "World Vision Mali" deme kosebe a ka baara la, ka masorø baara foyi te je sôrø nin' maaw t'u taabolo n'u kuntilenna dôñ. O dun te dôñ abada ni kunnafoni ma jensen dije fan bëe fe. "An b'a jini jekabaara kalanbagaw n'a lafasabagaw fe, u k'u hakilina ni "World Vision Mali" ta fara kan walasa ka yiriwali sabati Mali kôno ani dije yere mume.

Yusufu Fane

Nbena samiye kunnafoni di aw ma san 2004 kôno. Samiye daminenanw bara yan san 2004 zulyekalo tile 3. Môgôw bora joona



*Kalanko ma ke bolokofeko ye
Ofisi-iri kôno Segu*

jôsenfe.

Nka kene min hake sôrøla an bolo foro kanma, o ma caya, barisa a danna tari hake 200 dôrønpe de ma. N'i dun ye a jatemine, i be a ye ko môgô hake min be Joro yan, o be se môgô hake 13 000 ma. A be se ka teme o kan yere. Olu ka jôforo senen ma caya i n'a fo salonta. N'i ye jinan (2004 san) jô sôrø

hake da salon ta (2003 san) ma, a be ke i n'a fo môgô caman ye sañoforo tilatila de.

Nka, fën min ye maloseneko ye Joro yan, maloforo tari 15 000 jøgønna de be cike. Baji de be olu bëe sôrø ji la. Baji dun ma don jinan (2004 san) kosebe, ka forow labo a hemma. Ji donna minnu kôrø, olu ma sôrø ke joona. O n'a ta bëe, malo dôonin sôrøla forow kôno, ji donna minnu kôrø.

An be kuma Joro sanji tilacogo fana kan. Sanji nalen san 2004 zulyekalo la, o benna milimetere 260,5 de ma tile kônontân kôno.

Utikalo la, san 2004, sanji nalen hake benna milimetere 153,9 de ma, tile 12 kôno.

Setanburukalo la (san 2004), sanji hake min nana Joro, o benna milimetere 80,4 de ma, tile 1 kôno. Kalo naani o bëe kôno sanji na. 2 len hake benna milimetere 492,3 de ma, tile 28 kôno. N'i ye san 2004 sanji hake nalen laje, k'a nacogo fana laje, i b'a ye ,a tila cogo ma ne. Joro sôrøko kera faantanw ce la setigya ye. Ni se caman be moga min bolo, o de ye baana ye. Aw ni ce.

**Sumayila Kulibali Amimatere
ka bô Joro bamanan**

Poyi : An ka tiletankalan

An ka tile 10 kalan, n'o ye hakili jiginni kalo ye, o kera sababu ye ka jøgøndôñ don an ni jøgøn ce, ka deli don kalandenw ni jøgøn ce fana. Sabu, deli de be jøgøndôñ kôfe. Nka, n'i y'a men ko "njønnin kunnandi, a fo n sababu juman". Hali ni a sababu ye jemøgøbaw ye, anw kôni be a fo ko anw ka sababu juman ye an karamøgø de ye. Ale fana kôni ye anw ka sababu juman dô ye. O kanma, an be an ka karamøgø fo, k'a ni timinandiya, kalan taabolo juman kanma (san 2004). An b'a fo ko an ka ramøgø ni mõgøladon. An ye hakili dayelenko caman sôrø a ka kalan na. An be a jini fe, n'a ye kalansen kura minnu ladodôñ, an k'an wele k'an ladønniya o fana na. N be kuma kalanden bëe tøgo la.

**Burama Kumare
Ka bô Sôna, Tamani mara la.**

je 8nan

Jekabaara boko 237

zulyekalo san 2005

Dijne setigi jamanaw yafara u ka juruw kɔ

Sibiridon, zuwenkalo tile 11, san 2005, koba kera dijne kɔnɔ min nɔgɔn komenni man ca, ka da dijne adamadenw ka yerebaya n'u ka jenkenannciya kan. O don, dijne setigi jamanaw ka kɔfekow jenabɔli minisiriw bɛe tun bɛ u ka san lada la jɔgɔnye la Angile jamanfaa ba kɔnɔ. An bɛ a jira aw la ko Erɔpu jamanaw ka don nɔgannatonba, ko "Iniyon Eropeyenni", jɛmaaya bɛna ke Angilew ka

inisiiri-jɛmaa de bolo sisan n'ɔye Toni Bileri ye. Jɔgɔnyeba in kurutigera waleba dɔ kan min ye dijne sentanjamanaw bɛe la pagali, k'u lawasa. Dijne setigijamanaw benn'a kan, k'u ka juru (kɔrɔ ni kura) min kelen be jɔnminejuru ye faantam jamanaw kanna, k'u dijne o bɛe kɔ u ye. O juru yafalen kuuru be dolariwari miliyari 500 (kɛmɛ duuru) kɔsagon. Juru gelen ninnu yafara dijne sentanjamanatan ni seegin de ye folɔ, Afriki jamanatan ni naani be minnu kulu la n'ɔlu ye : Burukina Faso ; Nizeri ; Madagasikari ; Senegali, Mali ; ni jamanaw werew. Juru hake min binna ka bɔ faantan jamanaw ninnu kan, o be dolariwari miliyari 40 kɔsagon.

Nin tena ke dijne faama jamanaw ka funusereya dan ye ka jɛssin faantan jamanaw ma dijne kɔnɔ. A ka c'a la u bɛna yafa jamanakulu 9 ani jamanakulu 11 fana kannajuru kɔ, taalen jefɛ.

Dijne juruko lahala an'a barantudaw

Dijne setigi jamanaw file nin ye ka teme dijne waribonbaw ka sira fe ka yafa u ka juruw kɔ faantan jamanaw kan na (Banki mɔnjali ; FMI ; Afriki ka jɛtaa waribonda (FAD). Nka, yali jɔda jumɛn be juru talen ninnu na farafinna ka jɛtaa siratege la ? An k'a dɔn ko Afriki



Juru be nkanna ka danmateme, o te maa si bɔ nɔgɔ la !

jamana fanba tun te se k'u yere sɔrɔ cogoya si la jurujugu ninnu sarali la, ka tila ka ko were ne u yere ye jɛtaa siratege la. Ni jamanaw nafolo sɔrɔtaw bɛe donna juru

sarali dafɛ, juru were tali be wajibiya walasa ka makonakow jenabɔ dɛ. O de kanma, Afriki jamanaw fanba tun ka dijnenatige bennen be juru talenw sarali dɔrɔnpe ma setigi jamanaw ye. O de kera sababu ye k'an ka jamanaw bɛe ka yere məhərɔnya don ngalamna na kabi a sɔrɔwaatiw (san 1958).

An bɛe ka kan k'a dɔn ko juruko kera sababu ye ka barantudaw don an ka jamanaw ka jɛtaako la, baris, a ko kelen be sa, n'i ye ko o ko waleyato ye an ka jamanaw kɔnɔ, n'o te juru ye, o ye dɛme ye. Maa sɛbelama si dun te se ka adamade nyi ke dɛme ni jurujugu kan, k'i be ne sɔrɔ ko la belen dɛ yerenafako siratege la. N'an y'a laje an b'a ye, k'an ka jamanaw kɔnɔ, kalanko ; kɛnɛyako ; farikolojenajeko ; iziniko ; ko bɛe, nin bɛe ka jɛsɔrɔ du-lonnen don juru de la. Maa bɛe dun ye i ka jurumantigi de ka jɔn ye dere de. Kabi san 1958 fo ka se san 1960 n'a kɔfesaw waatiw la, farafinna

gun jamanaw fanba ye a ka yere ma hɔrɔnya sɔrɔ, k'a dalafɔ. Nka, fo ka se bi ma, jamanaw ka dɔgɔ an ka gur kan Afriki yan,

ninnu ye bɔnɔgɔlabaara jɛsɔrɔ, k'u ka yere taya sementiya. Sanni juru jugu dɔ ka sara ka ban, wariko geleya b'a wajibiya o nɔgɔn caman ka jini ka fara sarabali kan.

Banki dun ka juru te don jamanaw kɔrɔmaaw la jɛda hinentiya fe. "N be min di i ma, i be o n'a tɔn-ɔdankan jate n ka juru ye i kan na, o don". An k'a dɔn fana ko fɔntan jamanaw ka juruko geleya donna hali u kɔnɔ d'enmisew ka baaras-ɔrɔko la. Gɔferenamo te se k'u baara di maaw la ka teme a tolokɔrɔ nafolo (bidije) hake kan. Awa, o be dajira jurudonnaw la fɔlɔ, k'olu ka dijne jini.

Jurudonnaw ye mun da u ka yafa kan ?

U ye juru ninnu yafa. Nk'u m'u yafa ten k'u ka ke jɛmaaw jufa


kɔnɔfenw ye ! U ye a wajibiya a tigilajamanaw kan u k'u sarali don jamanaw kɔnɔ jɛtaadaw yiriwali fe. O be a jira ko juruhake in (dolariwari miliyari 40 ni kɔ) n'o be sefa-

A to be ne 12 nan kan

Afriki jamanakuntigi kɔrɔw ka lajeba Bamako : taarekoba dɛrɛ

K'a ta san 2005 Zuwenkalo tile 6 la, ka t'a kunce a tile 8 na, Afriki ni dijé Jamana wérew peresidan kɔrɔw ye njogon sɔrɔ Bamako, Mali faaba kɔnɔ. U ka njogonkunben in kera taabolo kura koronbokari de ye peresidanyako la Afriki kɔnɔ. Fəlɔ, peresidan kɔrɔ tun yeli te ladalako ye anw Afriki denw bolo. Ni min tun ye peresidanya sɔrɔ, o tun kalikan ye k'a tēnq fɔ ale ma belen, n̄e si ma, ko peresidan kɔrɔ file nin ye. O b'a jira k'a n̄bara yan, i n'a fɔ maa fanba tun y'a faamu cogo min na, maa da jolintan tun te fanga bila. Nka, ka bi 1980 sanw la, yelema donna o kow la hakili ka faamuya siratege la. Awa, an ye pe residan fəlɔw yeli damine, minnu y'u to u yerema ka fanga bila : Amadou Ahijo, ka bɔ Kameruni ; Leuwopoli Sedari Senkori, ka kɔ sene-gali ; Mace Kerekü, ka bɔ Benen...

I k'a dɔn, ko o ko, n'a tuma sera, bolo danjena te njeda dogon o njekɔrɔ dère. K'a ta san 1991 waatiw la ka se bi ma, hali ni Jamana bée n'a ka peresidan kɔrɔ balolen te, a hake cayara kɔni. O de nana ni a dɔnni ye an ka jamanaw faama kɔrɔw fe ko, maa min dusu dalen be joyɔrɔ fa kan fasobaaarako la, o




Nin ye peresidan kɔrɔ fila ye. Kelen be balo la, k'a joyɔrɔ to fa. Kelen faatura a meennna

be se k'o baara ke ani k'o lawasa, hali a senbofen peresidanya la. O de kanma, Afriki peresidan kɔrɔw, fo ka se Madagasikari ma, olu benna a kan ka tile-saba lajeba in ke walasa ka nejini ke keneya matarafako ani kalanko ni sigidaw sabatili lahala la Afriki kɔnɔ. Awa, la je in kera fana wasa ni here kɔnɔ. Maa be se ka min dimi mine a ko la, O ye ko tile fila ka kɔn laje in baa raw damineni n̄e, Ala ka latige bolila Burakina Faso (ɔtuwəluta kɔrɔ) peresidan kɔrɔ kan k'o faatu, n'o ye Bubakari Sangule Lamizana ye. An

be dugawu ke, Ala ka lahara dugukolo neemaya a sogo kɔrɔ.

Peresidan kɔrɔ caman tun be Bamako lajeba kene kan, i n'a fɔ : Alibéri Zafu (Madagasikari) ; Niseforu Sogulo (Benen) ; Jeri Jønni Arawulensi (Gana) ... I n'a fɔ peresidan kɔrɔ yere da sera a ma cogo min, olu bénna u joyɔrɔ fa sangga ni waati bée la fasow ka netaasiraw bəli n'u jeyali la. U be o ke n'u ka "fenkɔrɔya" hakili numan ye. Nin wale in faralen farafinna donsow ka lajeba kan, o min fana kera an ka maliba in kɔnɔ san 2005 la, o bée be a jira ko njetaa hakilinan be ka sinsin bi bi in na Afriki kɔnɔkow la. Farajnjogonkan, koto njogontala ani bée ka cesiri i jøsen numan kan, o walew de be ka n̄e sɔrɔ sisani. A be fɔ an ka maakɔrɔw fe waati bée ko" maa te ke maa ye I yere ko"

N bénna n ka jemukan in kunce lahala min kan, o ye n ka wasa ye ka n̄esin samiñe sanijiko daminecogo ma. O ye fan ye min lahala ka jii. N be Ala deli a k'an sɔn samiñe duman na min be laban bolo numan kan. Ala ka samiñe diya, k'an sɔn ji nafama na ani farikolo keneya. Ala ka an deme. Tumani Yalam Sidibe



A kafisa peresidan kɔrɔw ka taabolo kura in tɔnɔ ka ye an ka sigidaw kɔnɔ

Mali cedenw senbora san 2006 kupudafriki ni kupudimondi kenew lasorolila

An ka cedenw jigilatigelen san 2006 Afrika ntolatan keneba kani lasorolila min be Ezipti jama na keno san 2006, ani u jigilatigelen fana san kelen o dijne ntolatankenbe lasorobaliya la, min be ke Alimajamana keno, sisan, Mali bonkamalenw be yere laben taabolo kura keno.

San 2006 "kani" ni dijne ntolatankupuba ninini ntolatanw lasorobaliya ka kan ka to an ka ntolatan ekipu sigi sen kan min b'an bee wasa.


An ka ekipu ye tasuma jigin Liberia cedenw kan, u ka nemaa Mahamadu Jara "Jila" ka pulikajé keno ni kuru 4 ni 1 ye. O kera Segu san 2005 zuwenkalo temenen tile 5. O setigiya sorolen ye nimisa caman dan ma, nk'a be se ka k'e jigginsigiale fana ye Mali ka ntolatan sinikun ma.

**Yali nin ye geleyakow bannen ye
Mali ka ntolatanko la wa ?**

An be se k'o jaabi ke owo ye. Ka da an ka cedenw ka setigiya soroli kan Liberia edenw kan, Hamari Ndawo tegelantolatankene kan Segu, san 2005 zuwenkalo tile 5. O setigiya waleyabaga kera Mahamadu Jara "Jila" n'a ka cedenw ye. O y'a to an ka bonkamalenw ye danaya kura soru yere la, ko nin u ka setigiyaw sorobaliyaw waatiw bannen ye.

Sanni Mali ni Liberia ka nognonkunben ce, an ka cedenw josen tun ye maloyakoba ye ka d'a laben cogo yere kan :

San kelen ntolatan kuntaala keno, setigiya kelenpe ma soru ; an tile wooro (6) "kani" ni dijne ntolatan kupubaw kenew kan, kuru 2 dama kanma. O de tun ye Mali ka joda ye sanni u ni Liberia ka nognonkunben ce san 2005 zuwenkalo



Salifu Keyita, ko domengo, "Fematuti" nemaa kura

tile 5.

Nka, u ka setigiya sorolen Liberia kan ni kuru 4 ni 1 ye, o y'a to Mahamadu Jara "Jila" n'a jepo

genw bora u ka kulu joyero laban na ka sankorota soru, u tun be min nefe kabini nognonkunben daminena.

Piyeri Lensantiri, (Mali cedenw degekaramago) tenu yelemaba don ekipu in keno ka da setigiyaba sorolen in kan.

Setigiya in joyeroba te Mali cedenw sendonni na tugun "kani" ni dijne ntolatankupuba kenew lasoroli la. Nka, i n'a fo a be fo cogo min, na, tuma dow la, ko, ko tuma sebali te karaba. N'an dun ya laje, u ka dawulaba sorolen kofe, san 2004 kani kene kan Tinizi, an ka cedenw ta to kera jigilatigeko gansan ye. O kanma, an b'a fo ko joyero be setigiya sorolila ntolatan na. Nka, setigiya in kofe Segu ntolatan in kera sababu ye ka ni kura don an ka ntolatan na. A ma siga-siga foyi don ntolatan kanubagaw la ko Mali cedenw be Liberia cedenw ni sance

ntolatanko la. Bari, an ka cedenw y' i koron kabini ntolatan damine.

O de kama, u y'u ka kuru folodon i tolatan sanga folo yere kono Liberia ikaw kun. O kera ka da penaliti do kan, min lajinina ceden Daramani Kulibali fe.

A to be boko nato l'ono.

**Muss Boli,
Tumani Yalcu Sidibe
ani Yusufu Fane**

Kolesili : Nin bee kofe, Mali cedenw ni Zanbi cedenw ke sibirdon, zuwenkalotile 18, san 2005, nognonlasoro min kera Lusaka, no ye Zanbi jamana faaba ye, o kera Mldidenjigilamawaaro selen ye a danna kupu-di-mondi ani kupu-dafiriki kenew lasoroli la, minnu bolidalen don Aliman jamana keno, ani Eziputi jamana keno san 2006. O nognonlasoro kuncera Zanbi cedenw ka setigiya kan ni kuru 2 ani 1 ye.

Mali ntolatan jekuluba, ko "femafuti" ye nemaa kura soru kardin, zuwenkalo tile 26, san 2005.

**Ka b'o jekabaara
sebenjekulu yoro**

ne 9nan te

wari miliyari 1400 bə, ja manajemaaw ka kan k'o hake don u ka jamanaw ka bənəgəlada fe. Misali la, n'an ye Mali jamana ta, an bə ye ko bi bi in na, juru foyi man kan ka ye a kan na ka jesin dijə waribonbaw ma. O be a jira ko sərə o sərə be k'a n bolo san nataw kənə, k'o bee bəna an nafa. Yali an ka jamanaw jemaaaw bəna a dən k'a sigilen be k'u ka wale ketaw kələsi hərekoba in kəfe wa ? O fana jaabi ye maayako ye. Dalamineyərə kəni te an ka jamanaw bolo belen dere k'u kənə jətaawalew ka jəsərəba-liya jəfə.

Dijə setigijamanabaw :**- Erəpu gun kənə :**

Alimanji; Irisila; Faransi; Angileteri...

- Azi gun kənə :

Zapən ; Tayilandı ; Sirwa jamana ;

- Ameriki gun kənə :

Etazini (USA) ; Berezili ; Kanada...

Oseyani gunlahala kənə :

- Osutarali ; Endonezi...

Hali an ka Afriki gun kənə yan, dəmedon jamanabaw be yen, hali n'u fanga jaasilen don dijə setigi jamana ləkədənnən cə rə, u kəni b'u seko ke faantanjamanañaw ka dəmedon jəgənma siratəgə la ; o jamanana fənisərew la, an be se ka Libi; Afriki-di-Sidi ; Eziputi... kofə.

Kuma kuncə :

An bee b'a dən sisan ko an ka jamanaw bəna fen da san saba kan ka sərə juru jugu te u kannna. Yali o bəna ke "tuma-kura-yeelen" bəlen ye an ka jətaako la sa wa ? Setigi jamanaw kəni ye u ka keta ke. Min tora sa, o ye an yerew k'a jənini an be feere jumen tige walasa "jurubanna-n kannna" in ka sabati an ka jətaa kan ? Kə ba lədon sulu kənə, o ye batigi kunko ye. Nka ba ka yəreləben sulu kənə, o ye ba yəre kunko ye dere.

Tumani Yalam Sidibe

Nsiirin : Dabali n'a kebagaw

Nin wale in kera kabi lawale la. Nk'a nafa yere kanma, an b'a fə nin yərə in na. A b'a jira an na ko adamadenw ka jəgənkanu be senna kabi dijə dənna. Awa, fo ka taa dugukolo meleke, kanujəgənya taabolo juman te kətigə adamadenw ni jəgən cə. Nka, suya fana be yen dere. Kabi Ala ye dijə da fana, subaga be yen, maaw ka maaw dun dibi rə, u kolo ni u wolo kənə, ka sərə dunba ma ye. N da bəna se maa-na min ma aw ye nin yərə in na, o kera jəbugu dugu kənə, a məennə.

Jəbugu subagaw tun kolo ka gəlen, awa u ka subagatən tun sinsinnen don, fan bee haali.

Subagaw ka tənba min tun sigilen don Jəbugu subagaw fe, o tun barika ka bon haali. U tun ka subagaya sinsinnen don jəgən soməgədi de kan u ka sanyələmə subaga jənajew senfe.

Don də la, subagamuso kərəba də ye a denke fələ lahidi ta a jənəgən subagaw ye. A denke fələ o dun məminəmuso fana tun ye subagatən muso jəna ye. Waati selen, ka jənajə boloda sini su kan, subagamuso kərəba denke məminəmuso sera a ma ni sunsunbere də ye. A ko a ma ko : ko be sini su la!

A ko kamalen ma ko : ne n'i ba bee ye subagatən təndenw ye. I ba dun ye i labila an ka sinisu dagafin kənəsogo fələya kanma. Ne dun be e fe balo ni saya kənə. O kanma, n be sunsubere in di i ma. Sini su daminə na, i b'i jə ka bere in fili dugu fəreba jiri kuntillenna na. Ni min bəra a ko tə la, i be o ye.

O don su kolen, kamalen ye sunsunbere ta k'i jəsin dugu fəreba jiriba ma. A ye sunsunbere kerun o jiriba ma min ke, a balara k'a yere ni sunsunbere bee ye jiriba sanfe legelegelebaron cəma. A tora yen fo ka taa se su tilance sabanan ma, n'o ye surəfenw ka jənaya waati ye. O waati selen, subaaw, cəma ; musoma ; denmisən ani maakərəw, u bee bəra k'u to ka subagaya sawura la. U kelen kelen bee ye u ka lahidufen dita bila kənə kan. Dəw ye u fa di ; dəw ye u ba di ; dəw ye u den di ; dəw ye u muso di, hali ni o hake man ca ten. Bee ta yera kənə kan fo subagamuso denke. A ye min lahidu ta. Ale dun den te kənə kan.

U ye Səbugu n'a dafeduguw bee fere-kete yəlema kamalen jinini na. U m'a

ye. Kamalen n'a ka sunsunbere be jiri-ba sanfe. Ale je be subagaw la ka la-wasa. Nka, subugaw je te ale la. Suya be suya ni san ce dere ! Kamalen tulo be subagaw ka fəta bee la.

Subagaw tun kelen o kelen mana-na, o tun be subagamuso kərəba fo ko : "Ba Kamisa i ni dibi bi su in na. I denke te kənə kan de !"

O folikan tora denke fələ kənə i ko kilisi. Kənəbəda waati selen, subagaw ye u bila u ka adamadenya sawura kənə, ka taa u bara.

Məminəmuso fana ye i kanto kamalen ma jiri sanfe kə ka sunsunbere fili duguma. A ye o ke yərə min, kamalen ye a yere sərə a sibon kənə. Kənə bəlen sa a jəmə, kamalen wulila k'i jəsin a ba ka bon ma, səgomada foli kanma. A selen yen, a ye a ba fo subagaw ka fəre folikan na, ko : Ba Kamisa, i ni dibi bi səgomada in na. I denke te kənə kan de !

Ka bi muso kərəba ye o folikan mən, a ye i to a sidilan kan k'a fə ko : un... un... un...

Maloya ni denke jəsiranje kosən, a ye a yere ke diməgəba ye ka kungo segerə, ka so to a tigiw bolo. O de kanma, n'i be kungo kənə, ni diməgəbaw bələra ka kasi i la, i kəfe, i be girin k'i kə file ko maakanw bəra ! I ma fili. Hali ni bimaaw te, u sindi bəra i ka kunu musokərə jugu də de la !

**Bengali Kulibali
Ka bə Kulukərənin (Kolokani)**

Jekabaara

Ləbolikuntiqi Seben nekulə kəntiqi

Tumani Yalam Sidibe
Seben nekulə

Yusufu Fane

Bakari Sangare

Usumani N Tərəwele (CMDT)

Tumani Yalam Sidibe
pegenw kebagaw

Vakuba Jora ko Kayi

Labənbəga əridinoteri lo

Worokiyatu Sə

Boarake nəgənəw

CMDT World Wision - Ofisi Nizeri -

Ofisi iri - OHVN

Hakebəta: 110000

Batakisiro: 2043

Negejurusiro: 229 62 89

Jamana boarada - Seki zayedı təgəla

sıra: Hamudalay kin - Bernakə

Sıri - Webu nümrə

www.tribone.net.ml/jekabaara/